

XXVI.

Etsi exemplum huius unionis nullum est in creaturis, quod prorsus congruat, tamen vetustas, ut aliquomodo declararet unionem personalem, monstrauit hominem: Sicut anima hominis et corpus sunt unum ὑφιστάμενον completum et corpus dissoluitur desertum ab anima, ita λόγος et assumpta natura sunt unum ὑφιστάμενον et redigeretur in nihilum humana natura, si non sic gestatur et sustentaretur a λόγῳ. De hoc exemplo verecundissime dixit Iustinus Martyr: τινὲς μὲν τὴν ἔνωσιν ὡς ψυχῆς πρὸς σῶμα νοήσαντες οὕτως ἐκδεδώκασιν καὶ ἀρμοδιόνγε τὸ παράδειγμα, εἰ καὶ μὴ κατὰ πάντα: κατὰ τὶ γοῦν.⁵² Ideo autem doctrinam hanc de unione duarum naturarum in Christo retineri ¹⁰ necesse est, quia alioqui nec Jesus esset, id est saluator generis humani neque Christus, id est unctus seu rex et sacerdos noster.

XXVII.

Nequaquam duos Christos neque duas in Christo personas nec duos filios alterum Dei, alterum Mariae virginis agnoscimus, sed unam tantum personam, ¹⁵ unum Filium, unum Christum fatemur, qui verus Deus et verus homo est, Deus ante secula genitus ex substantia Patris, nouissimis vero diebus propter nos et propter nostram salutem homo natus ex matris substantia, perfectus in diuinitate et idem perfectus in hu-[C 1r:]manitate, ὁμοούσιος Patri secundum diuinitatem, nobis per omnia similis excepto peccato secundum humanitatem. Contra vero negamus ullam naturarum confusionem factam esse, cum earum sit οὐσιώδης διαφορὰ. Sed confitemur unigenitum Dei Filium in duabus naturis esse ἀσυγχύτως, ἀτρέπτως, ἀδιαιρέτως, ἀχωρίστως, hoc est absque omni naturarum confusione, permutatione, distractione atque separacione, nunquam sublata differentia naturarum propter unionem, sed potius salua ²⁰ utriusque naturae proprietate. Non enim conuersione diuinitatis in carnem aut carnis in diuinitatem, sed assumptione humanitatis in Deum, non confusione aut transfusione substantiae aut unius tertiae naturae compositione, sed unitate personae unus est ac manet Christus in duabus subsistens naturis. ²⁵

XXVIII.

30

Constanter etiam negamus ullam vel transfusionem vel communicationem physicam proprietatum factam esse, sed quemadmodum in domino nostro Iesu Christo duas naturas indiuise ac inconuertibiliter unitas esse confitemur, sic et proprietates naturarum distinctas indiuise, inconuertibiliter, inconfuse, inseparabiliter in eodem Christo agnoscimus. Fatemur et voluntates in Christo ³⁵ esse distinctas et actiones suae cuique naturae congruentes non quidem contrarias illas inter se nec aduersas sibi inuicem, nec tamquam separatas in

⁵² Ps.-Justin, *Expositio rectae fidei XI*, 9f, in: PG 6, 1225 (CorpAp 4, 38).